

समे & 12:25 hrs.

<><><><><><>

Voting-Conference

जम्मू-कश्मीर विधानसभा चुनावों के पहले गेड़ तैहत अज्ज केंद्र शासित प्रदेश के 7 जिलों के फैली दिएं 24 विधानसभा सीटें लेई वोट पोआए जा करदे न। मतदान बड्डलै ठीक 7 बजे शुरू होआ। 24 विधानसभा हल्के लेई कुल 3 ज्हार 276 मतदान केंद्र बनाए गेदे न। इनें मतदान केंद्रों पर बड्डलै अभ्यास आहली कार्रवाई यानि की मॉक ड्रिल बी कीती गई। मतदान लेई सुरक्षा के व्यापक इंतजाम कीते गेदे न। अज्ज 23 लकख थ्वां बद्द मतदाता वोट पाने के अपने अधिकार के इस्तेमाल करडन। कुल 2019 मेदवार चुनावों मैदान के न जिंदे के 90 आजाद मेदवार न। दुए गेड़ के मतदान 25 सितंबर गी होग ते त्रीए गेड़ के मतदान पहली अक्टूबर गी होग। वोटों के गिनतरी आहला कम्म 8 अक्टूबर गी होग। 2019 के दफा 370 के हटाने के पहले आहले राज्य जम्मू-कश्मीर के केंद्र शासित प्रदेश के तब्दील होने मगरा एह पहले विधानसभा चुनावों होआ रहे न। 24 विधानसभा हल्के के 11 बजे तगर कुल 26 अशारिया 7-2 फीसद मतदान दर्ज कीता गेआ।

<><><><><><>

Kishtwar Profile

जम्मू-कश्मीर के किश्तवाड़ जिले के कुल 3 विधानसभा हल्के ओंदे न जिंदे के इंद्रवाल, किश्तवाड़ के पांडर-नागसेनी विधानसभा हल्के शामिल न। इंद्रवाल विधानसभा क्षेत्र थमां कुल 9 मेदवार चुनावों मैदान में उतरे के न ते इस विधानसभा हल्के के कांग्रेस के नेशनल कांफ्रेंस गठबंधन के उम्मीदवार शेख ज़फर-उल्ला के बीजेपी के मेदवार तारिक हुसैन कीन मझाटै सिद्धा मुकाबला होने के मेद ऐ।

ईआं गै किश्तवाड़ विधानसभा हल्के थमां कुल 7 मेदवार चुनावों मैदान में हैं ते इस असैम्बली हल्के के नेशनल कांफ्रेंस के सज्जाद किचलु के बीजेपी के मेदवार शगुन परिहार बश्कार मुख मुकाबला होने के मेद दस्सी जा करदी ऐ।

इस्सै चाल्ली पाइडर-नागसेनी विधानसभा सीट लेई कुल 6 मेदवार चुनां मैदान च न ते इस विधानसभा हलके च मुख्क मुकाबला नेशनल कांफ्रेंस और कांग्रेस गठबंधन दी मेदवार पूजा ठाकुर ते बीजेपी दे मेदवार ते साबका मंत्री सुनील कुमार शर्मा बशकार मन्नेआ जा'रदा ऐ।

किश्तवाड़ जिले च कुल 1 लक्ख 79 हजार 374 मतदाता न जिंदे च 91 जहार 935 मर्द, 87 हजार 435 महिलां ते 4 ट्रांसजेंडर मतदाता न। जिले च मतदान गी बवस्थित ढंग सिर करोआना जकीनी बनाने लेई भारती चुनाव आयोग नै कुल 427 मतदान केन्द्र स्थापित कीते दे न। किश्तवाड़ जिले दे इंद्रवाल हलके च दिनै 11 बजे तगर 40.36 फीसद मतदान दर्ज करी लैता गेआ ऐ। इस्सै चाल्ली किश्तवाड़ हलके च 32.15 फीसद ते पाइडर-नागसेनी हलके च 26.38 फीसद मतदान दर्ज करी लैता गेदा हा। इस बारे होर मती जानकारी स्हाड़े किश्तवाड़ आहले संवाददाता कोलां।

<><><><><><>

Doda Profile

डोडा जिले च कुल 3 विधानसभा क्षेत्र न जिंदे च भद्रवाह, डोडा, डोडा वैस्ट विधानसभा हलके शामिल न। भद्रवाह विधानसभा क्षेत्र थमां कुल 10 मेदवार चुनां मैदान च न ते इस विधानसभा हलके च कांग्रेस नै नदीम शरीफ होरेंगी, नेशनल कांफ्रेंस नै महबूब इकबाल होरेंगी ते बीजेपी नै दिलीप सिंह परिहार होरेंगी चुनां मैदान च तोआरे दा ऐ।

डोडा विधानसभा सीट लेई कुल 9 मेदवार चुनां मैदान च न ते इस विधानसभा हलके च नेशनल कांफ्रेंस दे मेदवार खालिद नजीब सोहरावर्दी ते बीजेपी दे मेदवार गजा सिंह राणा बशकार मुख्क मुकाबला मन्नेआ जा करदा ऐ।

डोडा वैस्ट असैम्बली हलके च कुल 8 मेदवार चुनां मैदान च उतरे दे न ते इस हलके च बी मुख्क मुकाबला नेशनल कांफ्रेंस दे मेदवार प्रदीप कुमार भगत ते बीजेपी दे शक्ति राज परिहार बशकार मन्नेआ जा'रदा ऐ।

डोडा जिले च कुल 3 लक्ख 10 हजार 613 मतदाता न जिंदे च 1 लक्ख 60 जहार 57 मर्द, 1 लक्ख 50 हजार 521 महिलां ते 8 ट्रांसजेंडर मतदाता न। जिले च मतदान गी बवस्थित ढंग सिर करोआना जकीनी बनाने लेई चुनाव आयोग नै कुल 534 मतदान केन्द्र स्थापित कीते दे

न। डोडा जिले दे डोडा वैस्ट हलके च दिनै 11 बजे तगर 35.8 फीसद मतदान दर्ज करी लैता गेआ ऐ। जिसलै के डोडा हलके च 31.96 फीसद ते भद्रवाह हलके च 30.38 फीसद मतदान दर्ज करी लैता गेदा हा। इस बारे होर मती जानकारी देआ करदे न स्हाड़े डोडा आहले संवाददाता।

<><><><><><>

Ramban Profile

रामबन जिले दी जेगर गल्ल करचै तां इत्थे कुल 2 गै असैम्बली हलके न जिंदे च रामबन ते बनिहाल विधानसभा हलके शामिल न। रामबन विधानसभा सीट आस्तै कुल 8 मेदवार अपना सियासी भविक्ख आजमाने आस्तै चुनां मैदान च उतरे दे न ते इस हलके च नेशनल कांफ्रेंस दे अर्जुन सिंह राजू ते बीजेपी दे राकेश सिंह ठाकुर हुंदे बश्कार मुख्ख मुकाबला होने दी मेद ऐ।

बनिहाल विधानसभा सीट लेई कुल 7 मेदवार चुनाव मैदान च न। रामबन जिले च कुल 2 लक्ख 24 हजार 214 मतदाता न जिंदे च 1 लक्ख 16 जहार 19 मर्द, 1 लक्ख 8 हजार 193 महिलां ते 1 ट्रांसजेंडर मतदाता न। जिले च मतदान दी प्रक्रिया गी बवस्थित ढंग कन्नै जकीनी बनाने लेई चुनां आयोग नै कुल 365 मतदान केन्द्र स्थापित कीते न। रामबन जिले दे रामबन हलके च दिनै 11 बजे तगर 32.85 फीसद मतदान ते बनिहाल हलके च 30 फीसद मतदान दर्ज करी लैता गेदा हा।

<><><><><><>

PM Message

जम्मू-कश्मीर च अज्ज पैहले चरण दे विधानसभा चुनां तैहत मतदान करवाया जा'रदा ऐ ते प्रधानमंत्री नरेन्द्र मोदी होरें लोकें गी अपील की ऐ जे ओह लोकतंत्र दे इस उत्सव च बधी-चढ़ियै हिस्सा लैन ते अपने वोट पाने दे हक्का दा पक्क गै इस्तेमाल करन। सोशल मीडिया पर सांझे कीते गेदे अपने इक संदेस च प्रधानमंत्री मोदी होरें लोकें ते खास तौर पर युवाएं ते फर्स्ट टाइम वोटर्स गी अपील कीती ऐ जे ओह वोट पक्क गै पान।

<><><><><><>

Congress Kharge Message

कांग्रेस पार्टी दे राश्ट्री प्रधान मल्लिकार्जुन खरगे होरें बी लोकें गी आग्रह कीता ऐ जे ओह वोट पाने दे अपने हक्कै दा पक्क गै इस्तेमाल करन। उनें आखेआ ऐ जे जम्मू-कश्मीर दे लोकें अपने अधिकारें दी राक्खी ते विकास-बाददे दे इक नमें जुग लेई हीखी लाई दी ऐ। उनें पैहली बारी मतदान करने आहले फर्स्ट टाइम वोटर्स गी अपील कीती ऐ जे ओह इस महत्वपूर्ण चुनांस च पक्क गै हिस्सा लैन ते इक नमां बदलाव आहनने आहले बनन।

<><><><><><>

LG Sinha Message

उपराज्यपाल मनोज सिन्हा होरें बी जम्मू-कश्मीर दे लोकें गी गुजारिश कीती ऐ जे ओह अज्ज अपने वोट पाने दे हक्कै दा इस्तेमाल पक्क गै करन। उनें आखेआ ऐ जे अज्ज पहले चरण दरान जेहड़े विधानसभा हलकें च मतदान होआ करदा ऐ उत्थुं दे लोकें गी गी बधी-चढ़िये मतदान करना चाईदा। सोशल मीडिया पर सांझे कीते गेदे इक संदेस दे राहें श्री सिन्हा होरें युवाएं, महिलाएं ते फर्स्ट टाइम वोटर्स गी अपील कीती ऐ जे ओह मती गिनतरी च मतदान करिये अपनी लोकतांत्रिक जिम्मेदारी निभान।

<><><><><><>